

Transkription von Urkunde RIG 1446a

Ort, Datierung: Riga, 1446-05-06

Signatur: Staatsarchiv Riga, (eventuell Fond 8, 2: Capseln)

Wje Bruder Heidenrick vincke von Ouerberch Meister dűtsches Ordens to liefflande bekennen vnd betugen openbar / in dusseme breue dat wie mit Rade vnd uolbort vnser ersamen medegebediger hennicken vnd vilmas ge=/bruder(e)n pitke Janen Sonen vnd all eren rechten waren eruen samentlicken gegeuen vnd vorlenet hebben vnd / mit craft dusses breues geuen vnd uorlenen eynen haken land(es) vnd eyn verndeell als en dat alsampt von Mer=/ten memen erem vedder(e)n angestoruen vnd in der veltmarcke to wallencűlle in der Bűrchsokynge to kerchholm / belegen is mit allerleý tobehoringe mith vnd beqwemicheit wo de genomt sien efte mogen genomt w(er)den / vnd wor hennicke vnd vilmas vorbenu(m)pt mit all eren rechten waren eruen mogen recht tohebben nichtisz / nicht buten bescheiden vnd in aller maten als sodane hake land(es) vnd dat verndeell mit all sienen tobehű=/ringen vorberurt upp dussyt vnd nicht upp Jensýt der dwnen¹ von oldinges heer allirfriest² vnd touor(e)n von / Merten memen gehatt beseten gebrukt vnd in sienen schedýngen belegen sient vort tohebbend(e) tobesitte(n)d(e) / tobruckend(e) vnd tobeholdend(e) frei vnd fredesamlicken na lýuesschem rechte to ewigen tiden Also dach dat / hennicke vnd vilmas vorb(e)n(ant) mit all eren rechten waren eruen sullen vnd mogen allenigen der honich/weiden upp dussyt vnd upp jensýt der dwnen gebuken na vthwisinge erer olden breue dorűuer gegeuen / to ewigen tiden des tor Orkunde vnd tor tűchnisse der warheit So hebben wie vnse jngesegell an / dussen breff laten hangen . de gegeben ist vpp vnsem Slote kerckholm Am donnerdage Johan(n)is / ante portam latinam Jn den Jar(e) nach Cristi geburt dusend veerhund(er)t vnd darna [...]³

¹ w mit übergeschriebenem e

² oder: allirfruest

³ Rest des Textes durch zusammengerolltes Papier verdeckt